

SCRIPTA

Numéro Scripta : 4922

Auteur(s) : Nicolas Troches [particulier]

Bénéficiaire(s) : Raoul, Martot (sénéchal)

Genre d'acte : charte

Authenticité : non suspect

Datation : 1264, 24 avril

Action juridique : vente

Langue du texte : latin

Analyse

Nicolas Troches vend à Raoul le Sénéchal une mesure à Martot.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CCLVI, p. 261-262.

Texte établi d'après a

Noverint universi, presentes et futuri, quod ego Nicholaus dictus Troches vendidi et concessi et omnino dereliqui Radulfo senescallo Celarii de Marretot, per octo libras turonensium de quibus michi pre manibus satisfecit, unam masuram cum domo que super est, quam ego habebam in parrochia Sancti Aniani de Marretot, inter terram Osberti dicti Gertru, ex una parte, et terram Baldrici Gotren, ex altera, aboutantem ad caminum regis, tenendam et habendam, et in perpetuum possidendam dictam masuram eidem Radulfo et ejus heredibus, absque ulla reclamacione mei vel heredum meorum, bene, pacifice, libere et quiete, ab omnibus, salvo jure et redditu domini capitalis. Sciendum est quod ego Nicholaus et heredes mei tenemur eidem Radulfo et ejus heredibus dictam masuram contra omnes, ad usus et consuetudines Normannie, garantizare vel in nostro proprio hereditagio, valore ad valorem, si necesse fuerit, subficienter excambiare. Ut ratum et stabile permaneat, ego Nicholaus hanc presentem cartam sigilli mei munimine confirmavi.

Actum anno gracie M° CC° sexagesimo quarto, mense aprilis, die jovis ante festum Sancti Marci, evangeliste.

Testibus : Galtero Asasnes ; Leodegario dicto Chevalier ; Duranto de Touberville ; Johanne Le Carun, de Willeboto ; Gaufrido Sal..... clerico ; Durante Odie, et pluribus aliis.